


Los ntawm Thawj Tswj Hwm
Henry B. Eyring
Tus Pab Cuam thib Ib hauv
Thawj Pawg Thawj Tswj Hwm



Muaj Siab Loj Ua Qhov Yog

Ib lub ntsiab ntawm lub neej txawj tuag no twb yog sim saib peb puas ua tau raws li Vajtsv hais es kom ua raws li Nws tej lus txib thaum uas yuav tsum muaj siab loj ua li ntawd. Peb twb xeem tau txoj kev xeem no nyob rau hauv lub ntuj ntsuj plig lawm. Tab sis ib feem peb ntawm cov neeg uas nyob saum ntuj ceeb tsheej tsis kam ua qhov uas hais tias lawv yuav raug sim hauv lub neej txawj tuag vim lawv ntshe tsam ib ntsis lawv xeem poob.

Ua ntej thaum peb tsis tau yug los, peb yeej paub Vajtsv Leej Txiv thiab Nws Leej Tub, Yexus Khetos zoo heev li. Peb yeej pom tau Nkawd thiab mloog tau Nkawd thaum Nkawd qhia thiab pab peb. Tam sim no muaj ib daim ntaub los thaiv peb lub paj hlwb thiab tej kev cim xeeb lawm. Ntxwg Nyoog, leej txiv ntawm kev dag, muaj peev xwm me ntsis vim yog peb yuav tsum saib peb yog neeg zoo li cas tiag dhau ntawm peb txoj kev ntseeg, ho peb lub cev nqaij daim tawv yeej raug tau tej kev haub kev ntxias thiab tej kev qaag zog uas muaj rau ntawm lub cev.

Peb muaj kev pab loj heev uas yuav ua kom peb muaj taus siab loj hauv lub neej no. Qhov loj tshaj plaws yog Yexus Khetos txoj kev Theej Txhoj. Vim qhov uas Nws tau ua lawm, ces yuav ntxuav tau tej kev txhaum tawm mus nrog cov dej ntawm kev ua kev cai raus dej. Peb yeej rov qab txais tau txoj koob hmoov no thaum peb noj lub cim nco txog ua ke

nrog kev ntseeg thiab ib lub siab uas xav hloov.

Tej txiaj ntsim ntawm sab ntsuj plig yog ib qho kev pab ntxiv. Peb txais tau Khetos tus Ntsuj Plig thaum nyuam qhuav yug los. Qhov ntawd ua rau peb muaj lub hwj chim los paub txog tej kev xaiv uas yuav coj peb mus rau lub neej nyob mus ib txhis. Tej vaj lug kub yog ib qho coj kev tseeb tseeb thaum uas peb nyeem tej vaj lug kub nrog tus Vaj Ntsuj Plig Dawb Huv ua peb tus khub.

Tus Vaj Ntsuj Plig Dawb Huv cia peb ua tsaug thiab thov kev pab los ntawm kev thov Vajtsv uas yeej meej thiab zoo ib yam li thaum uas peb tseem nrog Leej Txiv Saum Ntuj Ceeb Tsheej nyob ua ke thiab peb yeej yuav rov qab ua tau li no thaum peb rov qab mus rau ntawm Nws. Txoj kev sib tham nrog Vajtsv no yuav pab ua kom peb tej kev ntshai ntawm peb tej siab ploj mus, ces nov yuav pab peb muaj kev ntseeg thiab kev hlub rau ntawm Leej Txiv Saum Ntuj Ceeb Tsheej thiab Yexus Khetos.

Lub pov thawj hwj dawb huv yuav pab peb ua tau siab loj ntawm peb tej kev pab lwm tus. Nyob hauv lub pov thawj hwj tej kab ke peb txais tau hwj chim los pab Vajtsv cov me nyuam thiab los tiv thaiv kev phem. Thaum Nws hu peb los pab, Nws cog lus rau peb hais tias, thaum tus twg txais peb, Nws kuj yuav nyob ntawd thiab, vim Nws yuav ua peb ntej mus. Nws yuav nyob ntawm peb sab xis thiab ntawm peb sab laug, thiab

Nws tus Ntsuj Plig yuav nyob hauv peb lub siab, thiab Nws cov tim tswv saum ntuj yuav nyob ib ncig ntawm peb, kom thiaj txhawb nqa tau peb (saib D&C 84:88).

Thaum tus Yaj Saub Yauxej Xamiv ua hauj lwm pab Vajtswv tus yaj saub yeej muaj hauv paus hauv ntsis kom ntshai me ntsis. Tiam sis Vajtswv pab kom nws muaj siab loj vim yog tus Xib Hwb tus yam ntxwv zoo:

Nws hais tias yog Yauxej yuav raug muab pov rau hauv lub qhov taub, los yog raug ib co neeg siab phem tua neeg ntes, thiab lawv hais tias lawv yuav muab nws tua tuag; los yog tias Yauxej raug muab pov rau hauv lub pas dej hiav txwv; los yog tias tej twv dej loj loj yuav tsuam nws; los yog tias tej cua daj cua dub cia li rais los mus ua nws tus yeeb ncuab; yog tias tej ntuj cia li tsaus nti, thiab tag nrho txhua tsav txhia yam sib sau ua ke kom tav nws kev; thiab qhov loj tshaj, yog tias lub ntuj txiag teb tsaus yuav rua lub qhov ncauj nqos nws, nws yuav tsum paub hais tias tag nrho tej yam no yog pab kom nws paub txog tej no, thiab yuav yog rau ib qho zoo.

Tus Tswv hais rau nws hais tias Neeg Leej Tub tau ntxeem kom dhau tag nrho tej yam no huv tib si. thiab noog nws saib nws puas yog ib tug neeg zoo dua tus Tswv (saib D&C 122:7–8).

Vajtswv yeej los tau muab kev pab rau peb txaus kom ua rau peb tej kev ntshai ploj mus thiab pab kom peb muaj siab loj, txawm hais tias peb raug tej kev sim siab dab tsi hauv lub neej no. Thaum peb cev tes mus txais Nws kev pab, Nws yuav tsaws tau peb mus ntsib lub neej nyob mus ib txhis uas peb nrhiav kom tau.

QHIA LOS NTAWM TSAB XOV NO

Feem ntau, Yexus Khetos, tus Xib Hwb uas Txawj Qhia Zoo Tshaj Plaws, noog ob peb los lus noog kom yaum cov neeg los xav txog tej ntsiab cai Nws qhia txog thiab muab nruab hauv lawv lub neej. . . . Nws cov lus noog ntawd txhib kom tus uas mloog ntawd ua tib zoo xav mus xav los, xyuas nws sab ntsuj plig, thiab xyuas saib nws puas muaj siab ua raws li qhov zoo tiag (*Teaching, No Greater Call* [1999], 68). Cia li xav saib puas tsim nyog tsim thiab noog ob peb los lus noog kom thiaj pab cov neeg to taub thiab siv tau tej qhov tseeb uas muab qhia hauv tsab xov no. Piv txwv hais tias, koj yuav noog tau hais tias, “Vajtswv tau pab koj li cas kom koj ntiab tau tej kev ntshai tawm thiab muaj siab loj?” los yog

“Vajtswv tau ua li cas pab koj kov yeej tau koj tej kev ntshai?” Yaum kom cov neeg uas mloog koj ua tib zoo xav saib lawv yuav teb li cas ua ntej lawv teb.

COV HLUAS

Tsis Muaj Leej Twg uas Zoo Tag Nrho Los ntawm Shauna Skoubye

Kuv yeej ib txwm xav coj raws li Nifais: mloog lus ncaj Nnraim, muaj siab ntseeg heev kawg nkaus, thiab xav txog tej yam ntawm sab ntsuj plig ntau. Raws li kuv xav ces Nifais yog tus yam ntawm zoo tshaj plaws li ntawm kev coj zoo. Tsis muaj lwm yam uas kuv nyiam npaum li qhov uas kuv yuav loj hlob thiab coj tau zoo ib yam li Nifais—los yog pib coj tau raws li nws qhov zoo kawg nkaus zoo dua tuaj.

Muaj ib hnub kuv tab tom muaj ib qho teeb meem loj tsawv, uas yog vim kuv xav hais tias kuv tsis txawj ua tej yam uas kuv yuav tsum ua. Kuv muaj hom phiaj ntau thiab muaj siab ncau kom tau tej hom phiaj ntawd tiag. Tiam sis zoo li kuv tsis muaj peev xwm ncau kom tau hlo li. Tag kev cia siab kuv ke quaj ke piav tej kev xav no tawm rau kuv txiv. Nws cia li sawv tsees, mus tom lub txe ntawm, thiab thau nws ib Phau Ntawv Maumoos tawm. Nws twb tsis hais ib los lus dab tsi li, nws cia li nthuav hlo phau ntawv mus rau 2 Nifais 4 thiab pib nyeem nqes 17.

Thaum kuv mloog cov lus muaj hwj chim no uas hais tias, “Au tus neeg phem uas yog kuv es!”, kuv ib ce tshee hnyo yam li hluav taws xob tom kuv. Kuv xav mus xav los txog ntau yam. Ua li cas Nifais, kuv tus pha ej thiab tus yam ntxwv rau kuv, yuav hais tias nws yog “neeg phem”? Yog tias nws yog neeg phem, ces kuv yog neeg zoo li cas?

Ib zaug ntxiv, zoo li hluav taws xob tom kuv dua ib zaug ntxiv thaum kuv txiv nyeem nqes 28, hais tias: “Kuv tus ntsuj plig es, cia li tsim los mas! Tsis txhob tsau nyob hauv txoj kev txhaum ntev ntxiv lawm.” Kuv hnov li ntawd es zoo ib yam li tej huab dub nciab uas tau roos kuv tej kev xav mus xav los tau faib thiab yaj ntshis lawm kom kuv thiaj hnov tau qhov sov siab so thiab pom tau qhov zoo nkauj kawg ntawm ib lub ntuj ntsuab xiab thiab kaj nrig heev. Kuv tsis muaj lus piav saib nqes vaj lug kub no ua rau kuv nyob kaj siab lug ntau npaum li cas. Tsuas yog tej nqes vaj lug kub tsawg tsawg xwb thiaj li ua rau kuv muaj kev cia siab, kev tshoov siab, thiab kev xyiv fab ntau npaum li nqes no.

Hauv nqes 30, Nifais hais tib co lus uas kuv tab tom xav tam sim ntawd, tsuas yog nws cov lus zoo nkauj dua xwb, nws hais tias: “Kuv tus ntsuj plig yuav nyob kaj siab lug hauv koj, kuv tus Vajtsv, uas yog kuv txoj kev cawm seej qhov chaw vam khoom.” Nqes vaj lug kub no ua rau kuv nyob thaj yeeb nyab xeeb thiab muaj ib lub siab xav ris tus Tswv txiaj rau Nws txoj kev hlub tshua thiab txoj kev siab hlub rau kuv.

Kuv txiv kaw phau ntawv thiab piav hais tias qee zaum tej nqes no yog hu ua Nifais zaj paj huam. Ces nws qhia kuv hais tias twb yog cov neeg txawj tshaj plaws saum lub ntiaj teb no uas tsis zoo tag nrho, thiab cov neeg zoo li no yuav tsum pom tias lawv tsis zoo tag nrho, tsis li ces lawv yuav muab hlob thiab, vim yog qhov ntawd, tsis txawj tshaj plaws.

Kuv to taub zoo. Txawm hais tias kuv tsis muaj zog rau ntawm ob peb qho los qhov ntawd tsis txhais tau hais tias kuv tsis txawj rais los mus ua neeg zoo li Nifais. Thaum kuv pom tias kuv muaj tej qhov tsis muaj zog ces kuv txawm nyob ze dua Nifais tus yam ntxwv zoo ntawd. Nifais yog ib tug neeg txawj kawg nkaus vim, ib yam li nws yog ib tug neeg mloog lus thiab muaj siab ntseeg heev, nws kuj txo hwj chim thiab kam lees txim txhaum thiab.

Txij thaum lub sij hawm ntawd, los kuv saib Nifais cov lus no rau nqi heev. Txhua lub sij hawm uas kuv nyeem

cov lus ntawd, tib co kev zoo siab thiab kev tshoov siab muaj los rau kuv ib yam li thaum kuv xub nyeem thawj zaug ntawd. Cov nqes no hu nkauj ua tim khawv rau kuv hais tias kuv yog Vajtsv ib tug ntxhais, uas txawj ua ntau yam tshaj kuv tau xav. Kuv paub hais tias yog tias kuv rau siab ntseeg thiab tsoo mus tom hauv ntej, ces kuv yeej yuav txais tau koob hmoov uas suav tsis txheeb.

COV ME NYUAM

Tej Txiaj Ntsim uas Ua rau Peb Muaj Siab Loj

Thawj Tswj Hwm Eyring qhia peb hais txog ob peb qho txiaj ntsim uas ua tau rau peb muaj siab loj. Nyeem txhua nqes vaj lug kub nram qab no, thiab sau lub npe ntawm qhov txiaj ntsim rau qhov chaw tsis muaj dab tsi. Ces nrog koj tsev neeg sib tham saib qhov txiaj ntsim ntawd yuav ua li cas pab kom koj muaj siab loj.

1. Cov Tub Txib 22:16 _____
2. 2 Nifais 4:15 _____
3. D&C 59:8–9 _____
4. 2 Nifais 32:5; Yauhas 14:26–27 _____
5. 1 Thexalaunikes 5:17 _____

Ntxiv Dag Zog rau txoj Kev Ntseeg rau ntawm Vajtswv Leej Txiv thiab Yexus Khetos dhau ntawm Kev Kawm Vaj Lug Kub Yus tus Kheej



Cia li qhia txog tej vaj lug kub thiab tej kab lus tug los sis, yog hais tias toob kas no siv lum txoj

ntsiab cai uas yuav foom tau koob hmoov rau cov viv ncaus uas koj mus ntsib. Hais lus tim khawv txog zaj lus qhuab qhia. Caw kom cov uas koj qhia ntawd piav saib lawv xav li cas thiab kawm tau dab tsi.

“Thaum kuv nyuam qhuav yuav txiv ua ib tug nyab tshiab, . . . cov poj niam caw kuv los mus nrog lawv noj ib pluag su rau tag nrho cov viv ncaus hauv lub Koom Haum Niam Tsev uas tau nyeem Phau Ntawv Maumoos los yog ib phau ntawv me me hais txog lub Koom Txoos zaj keeb puam. Thaum ntawd kuv tsis tshua nyeem vaj lug kub ntau, ces kuv npaj rau lub rooj noj su ntawd thaum kuv nyeem ib phau ntawv me me hais txog zaj keeb puam vim ua li ntawd yooj yim dua thiab siv sij hawm tsawg dua. Thaum kuv tseem tab tom noj su, kuv txawm hnov hauv kuv lub nruab siab hais tias, txawm phau ntawv me me ntawd kuj yog ib phau zoo thiab, tsim nyog kuv yuav tsum tau nyeem Phau Ntawv Maumoos. Tus Vaj Ntsuj Plig Dawb Huv tab tom tshoov kuv lub siab kom xyaum nyeem cov vaj lug kub

zoo dua. Hnub ntawd kiag kuv pib nyeem Phau Ntawv Maumoos, thiab kuv yeej tsis tau tso tseg li txij thaum ntawd los. . . . Vim rau qhov uas kuv pib nyeem cov vaj lug kub txhua hnub, kuv tau kawm txog kuv Leej Txiv, Nws Leej Tub Yexus Khetos, thiab saib kuv yuav tsum ua li cas kom thiaj coj tau zoo li Nkawd. . . .

“. . . Txhua tus poj niam yuav ua tau ib tug kws qhia tej lus qhuab qhia ntawm txoj moo zoo hauv nws lub tsev, thiab txhua tus viv ncaus hauv lub Koom Txoos yuav tsum paub txog txoj moo zoo kom thaum nws ua ib tug thawj coj los yog ib tug kws qhia. Yog tias koj tseem tsis tau xyaum kawm vaj lug kub txhua hnub, cia li pib tam sim no thiab yeej meem kawm kom koj thiaj npaj rau tej kev lav ris uas koj yuav muaj hauv lub neej no thiab hauv lub neej nyob mus ib txhis li.”¹

Julie B. Beck, Koom Haum Niam Tsev tus tuam thawj tswj hwm.

“Thaum peb kawm cov vaj lug kub ua li ntawd yuav pab ntxiv dag zog rau peb zaj lus tim khawv thiab rau peb tsev neeg zaj lus tim khawv. Peb cov me nyuam loj hlob niaj hnub nim no thaum muaj ntau lub suab nyob ib ncig ntawm lawv thiab yaum kom lawv tso tej yam zoo pov tseg thiab raws tej kev phem kev

TEJ KEV PAB RAU KEV MUS SAIB XYUAS TOM TSEV

Thaum koj mus xyuas, teb cov lus noog thiab siv cov vaj lug kub qhia tej tswv yim. Hais lus tim khawv txog saib kev kawm vaj lug kub tau ntxiv dag zog rau koj txoj kev ntseeg li cas. Hais kom tus viv ncaus uas koj mus xyuas ntawd qhia saib qhov uas nws kawm vaj lug kub tau ntxiv dag zog rau nws lub tsev thiab tsev neeg li cas.

KEV NPAJ YUS TUS KHEEJ

Yauhas 5:39
2 Timautes 3:14–17
2 Nifais 9:50–51; 31:20; 32:3–5
D&C 138:1–11

qias ntawm lub ntiaj teb qab. Tsuas yog lawv muaj ib lub hauv paus zoo rau ntawm Yexus Khetos txoj moo zoo, ib zaj lus tim khawv txog qhov tseeb, thiab ib lub siab xav coj raws li qhov ncaj ncees, lawv yuav qaug zog rau tej kev haub ntxias no yam yooj yim li. Twb yog peb txoj kev lav ris kom ntxiv dag zog rau lawv thiab pov hwm lawv.”²

Thawj Tswj Hwm Thomas S. Monson.

“Peb xav kom peb cov muam ua ib co kws txuj paub txog cov vaj lug kub zoo. . . . Nej yuav tsum paub

txog Yexus tej qhov tseeb nyob mus
ib txhis rau nej txoj kev noj qab
nyob zoo, thiab rau qhov uas nej
yuav qhia nej cov me nyuam thiab
txhua tus neeg uas ntsib nej.”³

“Peb xav kom peb tej vaj tse
tau koob hmoov vim yog cov
muam uas paub cov vaj lug kub
zoo nyob haud—txawm hais tias
nej tsis muaj txiv los yog yuav

txiv lawm, hluas los yog laus, poj
ntsuam los yog muaj tsev neeg
los yog. . . . Cia li rais los mus
ua ib co kws txuj paub txog cov
vaj lug kub zoo—tsis yog kom
hais tias yus yog neeg zoo dua
lwm tus, tiam sis yog kom thiaj
txhawb nqa tau lawv!”⁴

***Thawj Tswj Hwm Spencer W. Kimball
(1895–1985).***

LUS CIM

1. Julie B. Beck, “My Soul Delighteth in the Scriptures,” *Liahona*, Tsib Hlis Ntuj 2004, 107–9.
2. Thomas S. Monson, “Three Goals to Guide You,” *Liahona*, Kaum Ib Hlis Ntuj 2007, 118.
3. Spencer W. Kimball, “Privileges and Responsibilities of Sisters,” *Ensign*, Kaum Ib Hlis Ntuj 1978, 102.
4. Spencer W. Kimball, “The Role of Righteous Women,” *Ensign*, Kaum Ib Hlis Ntuj 1979, 102.